

一衍集

仙門公案拈

題附



道光乙酉葆素
堂趙氏開雕



一行居集目

卷一

願文

白誓文

受菩薩戒發願文

卹糝會回向文

放生會回向文

爲亾友陸九齡懺悔文

爲家君八十初度建道場文

爲井鑄懺悔文

爲先府君建念佛道場文

文星閣禱雨文

一行居集

目

文星閣閉關發願偈

安居回向偈

書後

書四十二章經後

書五苦章句經後

書業報差別經後

書三歸五戒慈心厭離功德經後

書五無反復經後

書德護長者經後

書睽子菩薩經後

書佛大僧大經後

書巨力長者所問經後



書逝童子經後

書偈讚大乘功德經後

書大方便佛報恩經後

書梵網經心地品後

書重校無量壽經後

書重刻觀無量壽經後

書阿彌陀經後

書觀世音得大勢受記經後

書彌勒下生經後

書首楞嚴三昧經後

書文殊師利所說不思議佛境界經後

書大莊嚴法門經後

一行居士

書維摩詰所說經後

書無垢女經後

書金剛般若波羅蜜經後

書文殊所說般若經後

書如來不思議境界經後

書大集賢護經後

卷二

書普賢行願品末卷後

書遺教經後

書重刻禪宗祕密修證了義經後

書唯然上人血書華嚴經後

論梵網經姪戒

書無量壽經優波提舍後

書發菩提心論後

書思惟要略法後

書十疑論後

書賢首華嚴三要後

評紫柏老人與王宇泰書

書汪子讀四十二偈私記後

書汪子染香別錄後

題崇孝錄後

跋梅谿高翁傳

書知歸子傳後

讀古

一行居集

目

讀論語別

讀中庸別

讀莊子

雜著

無量壽說爲太倉許孺人作

憫客

論曇陽道人

和陶淵明歸去來辭

卷三

敘

六度集經鈔敘

重刊淨土三經敘

合刻圓頓念佛三經敘

稀元上人血書地藏菩薩本願經敘

翠筠菴主心經說敘

觀無量壽佛經約論敘

阿彌陀經約論敘

眞諦寺同戒錄敘

西方確指後敘

上品資糧敘

重刻淨土晨鐘敘

重訂西方公據敘

重刻傳戒正範敘

淨土聖賢錄敘

一行居集 目

問津錄敘

愁山大師文錄敘

蓮池大師文錄敘

省菴法師遺書敘

剖塵錄敘

聞學禪師語錄敘

旅亭禪師語錄敘

佛門歷代祖師畫像敘

明陽子畫像敘

一覽集敘

活閻羅斷案後敘

無依仁禪師詩敘

瓊樓吟臺敘

蘭臺遺稟敘

募修木瀆法雲菴敘

水雲圖敘

送杲堂上人之五臺敘

贈六餘居士敘

觀河集敘

測海集敘

卷四

書問

與諸同學

與羅臺山

一行居集

目

復王鳳階

荅韓公復

與臺山

與大紳

與大紳

與大紳

復高旻昭月和尙

與王顧庭

復大紳

荅沈立方先生

與吳西林先生

與臺山

荅婺原齊彤光

與陸佩鳴

荅宋道原

荅王禹卿

與汪大紳

與王禹卿

與李禹定

荅王念峯

荅王顧庭

與某上人

荅王念峯

荅邵懷粹

一行居集

目

又

與大紳

與劉喬松

與杲堂菴主

與大紳

復朱石君

復徹悟和尚

荅王念峯

與江昆來

卷五

跋引

重刻金剛般若波羅蜜經跋

合刻淨行品梵行品跋

何覺甫記異跋

憨山老人手書六詠跋

無量壽懺儀跋

跋沈古棗寫經緣起卷

跋洞庭周翁還金記

跋新齊諧

重刻維摩詰經緣起

募修尹山崇福寺引

募建白雲寺觀音殿引

記

重修慕樓菴記

一行居集

目

重修水僊洞庭君廟記

遊洞庭西山記

遊西湖記

一行居閉關記

長洲黃埭改建妙嚴禪院記

蘇州城東天寧菴新開叢林記

觀音大士現像記

玉壇記

重興空青山寶藏寺記

龍山放生池記

錢唐清寧禪院放生池記

玉壇懷西閣記

虎邱報恩寺新建大悲閣記

卷六

銘傳

揚州高旻寺了凡禪師塔銘

四大師傳

谷聲禪師傳

揚州高旻寺昭月禪師傳

天目禪原寺聞學禪師傳

湖南居士傳

虛白居士傳

馬居士傳

卷七

一行居集

目

玉壇耆舊傳

陳安人傳

鏡智道人傳

亾妻費孺人述

宋孺人傳

許節婦傳

從子希涑述

書事

書王季子

書江山寶華寺覺悟師

續書王季子

書羅臺山

書史公度

卷八

集驗

書證

祭文

祭羅臺山文

祭從子婦陶氏文

祭旅亭和尚文

祭外庶太姑王碩人文

題偈

崇佛菴新造西方三聖像銘

題沈自梁母傳後

一行居集

目

題居士傳偈

題善女人傳偈

題樂善冊偈

聚奎閣惜字會偈

金槐辰繪降魔治心圖屬予說偈

題蔡敬夫侍母圖屬母亡後作

題積善寺諸祖像偈

募建西方三聖旃檀像偈

爲上慈菴募建觀音文昌二閣偈

韓仲敏屬偈

題極樂莊嚴圖偈

附

儒明公案拈題六十五首

一行居集

目



一行居集卷第一

清
印

長洲彭紹升允初著

長洲彭紹升允初著

長洲彭紹升允初著

印

自誓文

娑婆世界南贍部洲大清國男子彭紹升一心歸命西方極樂世界阿彌陀佛觀世音菩薩大勢至菩薩竊念紹升自從無始以訖今生幻有六根矣纏三業眞原既昧欲海長埋以是因緣受諸苦惱輪回胎獄躑躅昏衢似火燒林如風卷葉遠慙千聖近負四恩不覺不知可悲可痛幸及今日得遇遺經乍入願門兼聞觀法遂堅正信獨矢誠心蕩子思家嬰兒戀母曲求加被敢懈熏修念念歸依時時回向遠離煩惱疾證菩提盡此報身終生淨利祇承遺誓不捨善功爰請良工敬雕聖像莊嚴已畢供養斯伸茲與比邱某某清信士某某等宣揚梵唄諷誦鴻名

一行居集

卷一

普與含靈同生淨信伏願道成之日果滿之期回入娑婆轉同極樂高原溪谷盡現蓮華幽鳥茂林咸宣寶藏俯陳志向仰冀證明縱歷辛勤永無退失謹誓

受菩薩戒發願文

弟子際清爲求生淨土故敬於佛法僧前稟受菩薩三聚淨戒願從今日始盡未來際永斷一切不淨業成就一切淨業誓隨佛學誓斷煩惱誓成佛道誓度衆生若我際清既受戒已還復破戒增長惡法毀壞善根唯願護法諸天速行誅殛爲世鑒戒若我際清克厲身心護持戒品盡此形壽必生淨土十方三寶爲我證明俾我速得念佛三昧於命終時遠離塵垢親見彌陀脫然西邁更無遮障見者聞者如我發心生極樂國獲無生忍回入娑婆普度有情俱成正覺

卹嫠會回向文

弟子際清願度有情同生淨土故於本縣文星閣舉卹嫠會凡諸名族孀居孤苦既卹其身重復勸導俾令念佛求生西方但恐此等五漏凡夫信解未具雖種淨因難期淨果際清敬與諸善友等對如來前諷誦洪名代爲回向並呈所投念佛課單願際清等既生安樂還入娑婆儻此諸人尚淪苦趣以今念佛回向因緣不昧善根得蒙化度一生取辦同覲彌陀更願與會諸檀施等或已發心或現發心或未發心所有現前一豪善功一念隨喜悉與回向極樂世界或速或遲究竟成熟永離惡道獲證菩提恭望如來證知我願真實不虛三有四恩同圓種智

放生會回向文

弟子際清願度有情同生淨土故於本縣流水禪居舉放生會

一行居集

卷一

爲現前諸眾生等歸命三尊。偈揚佛號。願諸眾生。仗佛慈悲。等蒙攝受。從於今日。盡未來際。斷諸恐怖。竭諸煩惱。更不相吞相噬。相爭相殺。進修佛法。脫離苦海。更爲與會弟子等。懺除無始以來。殺生食肉。種種孽緣。願令所殺眾生。所食眾生。仗佛慈悲。等蒙攝受。化怨毒心。歡喜相向。得生善道。其沐洪波。唯願弟子等。既生安養。還入娑婆。普化眾生。永斷殺因。住無盡壽。善根回向。不退菩提。恭望如來。證知我願。真實不虛。三有四恩。同圓種智。

爲亾友陸九齡懺悔文

唯我亾友夙稟慧根。隨波逐浪。出入情門。中年以還。頗思懲窒。時或寫經。時或念佛。更發重誓。願斷葷腥。其有食言。受辜冥冥。結習難忘。舌根作怪。一載甫周。依然破戒。日月如駛。二豎爲災。

曾不食新俸赴泉臺。業海茫茫陰風切切哀哉斯人。駟不及舌。仗佛慈力。仗僧福田。宏開法施。滅臯除。譽莫錯良緣。莫忘淨念。七寶池頭。華開激灑。緬昔遊好。懺彼平生。大圓鏡中。鑒此愚誠。

爲

家君八十初度建道場文

伏聞經言。凡人事天地鬼神。不如孝其二親。又言。孝名爲戒。是故世間一切萬行。孝親爲上。然孝之爲道。事乃萬殊。反本窮原。無過念佛。世間恩愛緣盡。則離回向。眞如方得解脫。世間福果。報盡則休。勤修淨行。方離苦聚。故知念佛念親。道無二致。孝親孝佛。事本同歸。茲以弟子生身慈父。宿秉善根。兼資福力。家修儒術。志慕空宗。一卷金經。數聲清磬。永茲晨夕。尙享期頤。值今十二月十一日。爲八十初度之辰。先期十日。在本縣文星閣。祇延淨侶。肅建道場。誦無量壽經。唱阿彌陀佛。歸命蓮臺。直趨寶一行居集

卷一

三

所更於道場。滿日放瑜伽斛食。一壇普拔三塗。同登九品。伏願慈光加被。願網宏張。俯念丹誠。長坐紺眼。俾我慈父。菩提願力。念念增明。功德池流。心心清淨。長謝五衰之相。早登不退之程。弟子無任懇款之至。謹疏。

爲井鑄懺悔文

白衣井鑄。夙植善根。鄰義舉。趨事唯勤。橫山之麓。虎邱之偏。手封白骨。或百或千。若孤而嫠。若病且殘。告哀吾黨。貸粟及錢。施不望報。諾不辭艱。忍飢出入。風晨雨昏。明明天鑒。後祿宜絲。何不耄期。遽殞重泉。我測其由。殆負魚兔。用財綱命。黑業如山。不遵佛敕。乃入鬼門。承大悲力。懺此重愆。光明照觸。臯罔弗蠲。一聲佛號。萬劫良緣。不離火車。而現寶蓮。恭惟世眼。鑒我誠言。自他平等。同入涅槃。

爲先府君建念佛道場文

唯先府君淨因早植世服儒風豁除畛域

憲皇在御提唱親聞手持貝葉墨染香熏過眼浮雲脫然無住
坐送流年金剛四句尙畱結習朝吟莫晤寶池有種滋蔓還多
倉卒臨行未遑十念咫尺蓮邦翻成天塹天塹非闊情生自乖
寂光普徧那用安排願乞洪慈斷諸餘惑華開水流澹然無極
道場三七非隔東西馮茲念力究竟菩提

再弟子際清願以平昔所誦華嚴經十部阿彌陀經一千部
金剛經一千部佛號一十萬聲代爲先府君回向西方速
成道果伏祈我佛菩薩俯賜證知慈悲攝受

文星閣禱雨文

天久不雨稻苗欲枯桔槔聲中汗血裂膚億萬生靈蒼蒼望澤

一行居集

卷一

四

願灑天河灌我阡陌仰惟世尊大慈普覆涸轍儵魚何忍不救
災非天降煩惱爲根洪名舉處業海掀翻便乞潮音枝頭一滴
惠我南人霖雨三尺從茲歸命共報佛恩華池游泳萬古長春

文星閣閉關發願偈

我聞無量壽四十八願王如海納百川如空包眾像從茲發大
心誓往生淨土佛海妙莊嚴衆生同具足鏡華水月等生滅二
俱離云何歷劫來纏縛於五濁一念不自覺輪轉無已時譬如
赤日光不照生盲者日光無別異眼翳須自除翳去復本明光
光同一體可憐病瞽人說得行不得翹勤二十載煩惱何曾休
鑽木不逢煙況乃求出火及此年未邁善友共提持願畢此期
場究竟成三昧由佛大願力攝受盡微塵況我具靈知兼秉千
華戒只恐宿業疆障我修行路境風所搖動疾苦或交煎日月

等閒過未脫凡夫繫茲當入關初然臂香十二懺悔根與識廓然同大虛從茲二六時持名及觀相唯除食睡頃一念無異緣佛慈加被故身心大安隱億劫顛倒想片雪消晴春水流復華開頓盡無明本金臺最上品於中而受生還來度娑婆畢入蓮華藏

安居回向偈

我弟子際清由佛慈加被生當五濁世幸發正信心憫彼世間人長被五欲縛輪回三惡道輾轉難出離今對三寶前淡心發宏誓願盡未來際廣度生外流馮茲回向心歸命無量壽於安居期內持誦如來名一聲出一佛佛佛滿虛空日以三萬聲施彼三惡道無央數化佛同放白毫光光中妙蓮華攝盡無邊眾各發菩提心自致不退轉更以三萬佛普度諸天人獨覺與聲

一行居集

卷一

五

聞同趣無上覺如是足九旬日日無虛棄唯茲妙明心究竟常寂滅一念不自覺幻出空中華了華卽是空無生亦無滅不離豪端量而現寶王居願我無量尊觀音及勢至鑒此誠實言如海傾一勺自他本無有況復東與西彈指變娑婆出苦獲安樂天宮并地獄畢入菩提場

書四十二章經後

是經頓漸兼收首唱識心達本解無爲法名曰沙門又言心不繫道亦不結業無念無作非修非證不歷諸位而自崇最名之曰道金剛無住之旨維摩不二之門不越乎此矣又言飯千億三世諸佛不如飯一無念無住無修無證之者夫無念無住無修無證之者所謂自性天真佛也三世諸佛覺此而已非有所加也諸供養中法供養最法供養者識自本心了法空寂念念

佛出世念。念佛滅度。是爲飯。一無念。無住。無修。無證。之者。豈外
求哉。此爲頓教。其間羅舉四眞道。十善行。訶斥欲染。策發淨業。
警世非常。覺諸幻化。此爲漸教。夫欲染不去。則淨行難成。淨行
不成。則本明不發。故反復於斷愛去欲之修。以爲行道守眞之
助。而要歸於無我。了得無我心。垢自盡。常光現前。是則名爲解
無爲法。然而世之人。往往貪著有爲。不捨愛欲者。何也由。不知
人命無常。世界幻化。以須臾之樂。招長劫之殃。刃蜜炬風。其言
絕痛。苟有丈夫之志者。其可不瞿然。漢省乎。經言。佛所言說。譬
如食蜜中邊。皆甜。學者於此。盡心焉。則五部諸經。俱可得門而
入矣。

書五苦章句經後

入佛有要乎。曰。有要。漢信因果。爲要。漢信因果。有要乎。曰。有要。

一行居集

卷一

六

通達一心。爲要。何名漢信因果。信有三界升沈。信有六道輪轉。
信有菩提可證。信有淨土可生。信如是。因作如是。果是名漢信。
因果。外道凡夫。妄言以後斷滅。遂令善者不知勸。惡者不知儆。
儒教聖人。憫之推言禍福感應之理。一其權於天。反其責於己。
沒其幾於惠逆善惡之間。其爲因果也。昭昭矣。然而人世。鬪貴
賤。貧富。吉凶。壽夭之數。不能適如其所感者。以爲應。則不能無
疑。疑斯怠。怠斯慢。而聖人感應之說。卒不能常伸於天下。夫聖
人非不知有三世也。卽六經之言。帝也。鬼神也。可徵矣。文王陟
降。在帝左右。唯嶽降神。生甫及申。人天往來。章著如此。又何疑
於六道邪。儒之未顯言者。佛特顯言之。儒之未盡言者。佛特盡
言之。而非有二旨也。故曰。佛有三達之智。來今往古。靡不聞之。
然則離四相。出三有。圓滿覺心。歸無所得。卽儒教聖人。究其歸。

豈能外此而別有所證。何則。同此一心。無異因。卽無異果。故何名通達。一心但了一心。因果具足。本無菩提可證。亦無淨土可生。於無生無證中方便莊嚴。如夢如幻。不離一刹那頃。成佛已竟。度生已竟。是爲通達。一心何則。離此一心。別無因果。故但能通達。一心斯能不昧因果。既能淡信因果。亦漸能通達。一心世間學侶。儘有慧解過人。而一切戲具耽戀不休。萬行門頭。多生障礙。由不能淡信因果。故由不解方便莊嚴。故其有執著因果者。迷本逐末。惑幻爲眞。曾不了知無造無原。無有作者。法如是。故三界皆空。故讀斯經者。敬而聽之。

書業報差別經後

子於五苦章句經。既勸人淡信因果矣。遂繼之以業報差別經。如是因。如是果。揭日月而行。四時三世諸佛。異口同音。不可誣也。爲說頌曰。一種春風千枝競秀。或臭或香。非關天授。尋厥因緣。虛空輻湊。直下知歸。泥牛夜吼。

書三歸五戒慈心厭離功德經後

三歸爲入佛正。因受三歸者。永不墮外道邪見。故五戒爲入佛正行。持五戒者。永不失人天善果。故然止於自利而已。未及利人也。故進之以慈念衆生。擴同體之悲。發宏濟之願。如本師因地中。割肉利生。危身濟衆。德莫加焉。然猶非究竟地也。知世間無一可樂。必欲盡十二類生。同入無餘涅槃。而菩薩之心慰矣。烏呼。此豈三草二木之儔所能勝任者哉。

書五無反復經後

子讀佛報恩經。言如來本於微塵。數一切衆生。中具足受身。以受身故。一切衆生。曾爲如來父母。如來亦曾爲一切衆生父母。

爲一切父母故常修難行苦行難捨能捨乃至具足萬行不休
不息烏呼盡十方三世知恩報恩者信未有如佛者也然而舍
王宮入雪山其於父子骨肉之愛漠然無動於中者何哉不如
是則不能成正覺轉法輪雖欲喻父母於道而不可得也彼世
間人戀百年之幻聚昧萬古之徽猷亦可以瞿然淡省矣是經
名五無反復者一梵志見舍衛國天子歔不哭其母姊妻奴亦
然轉爲說苦空無常無我之法疑其悖倫寡情故謂之無反復
也及佛以知命不憂卽此五人而梵志乃爽然意解夫知命未
易言也能淡達無生者斯可語于知命矣無生故無滅無生無
滅雖千變萬化而不離乎是尙何有存亡聚散之閒哉是在眞
實有志者

書德護長者經後

一行居集

卷一

八

經云離一切諸相卽名諸佛大寂滅海中還許你說神通妙用
不然建化門頭竿木隨身逢場作戲大要使人斷疑生信而已
一切衆生具足信根或蔽於邪見或牽於妄緣彼不自知爲邪
爲妄於彼生信卽於此起疑邪妄熾正信滅三塗惡道輪厯無
窮不遇覺王終沈苦海可哀也已月光童子以往昔信根生邪
見家而能喻父母於道甚爲希有然非如來神力加持現種種
莊嚴示種種變化彼德護長者其能脫六師之機宰乎哉夫德
護之信六師不滅月光之信佛以信六師之心轉而信佛反復
手閒頓獲菩提之記吾竊痛夫崔浩衛元嵩輩吹六師餘燼造
彌天之臯而不知反其亦不幸而不生逢佛世承佛神力舍邪
歸正以視德護長者乃遂天淵不足喻其遠也是經凡有四譯
其敘月光偈歎如來獨此本最爲詳盡能發人淨信心因爲校

雜文句刊布諸方且以告當來之爲德護者

書睽子菩薩經後

孝經言孝弟之至通於神明光於四海無所不通豈不信哉子
讀睽子經敘如來往因隨盲父母入山修道供養畢周果祿爭
榮百獸馴伏誤爲獵者所中卒感諸天臨視已外復生夫世出
世閒爲教不同而勸孝之指則一未有不由是而能入道者也
然世間聖人扶皇極敘彝倫其應現之迹可指而述也而佛則
動以阿僧祇劫爲程如此經言濟神離苦後得無爲皆由慈孝
學道所致睽子之事特岱華之一卷江河之一勺豈足以窮其
涯量哉夫慈孝不敦不足以入道知慈孝而不知學道未免於
行不著習不察亦終爲凡民而已矣誠豪傑自命者必以佛爲
師而後可哉

一行居集

卷一

書佛大僧大經後

九

阿舍諸經痛訶色欲比之蜜刃炬風此爲欲界凡夫開對治門
先令遠塵去垢然後得與法流相接若達心之士知一切法無
我不見有身何人可得不見有人何色可得維摩室中天女散
華至菩薩身一切不著此與聲聞境界相去絕遠然未到菩薩
地苟爲大言以欺世則銅牀鐵柱未肯放汝在楞嚴經明純想
卽飛純情下墮故生天諸果俱以欲習之有無爲高下而飛心
中兼福兼慧及與淨願卽得往生十方佛土故知修淨業人於
此關頭尤爲喫緊僧大唯覲破此關故能借斬頭瀝血作警策
鉗錘一剎那閒超登四果誠可謂勇猛丈夫學道之人始於離
欲進於無我蓮華化生見佛聞法可操券而俟之耳

書巨力長者所問經後

是經以四念處爲根。以六波羅蜜爲幹。以無上菩提爲果。四念處者。所謂苦空無常無我。是也。三乘聖賢。從此發心。經中正說。喻說。淋漓悲切。欲令眾生發遠離心。故既發此心。不宜住聲聞緣覺之地。宜發四宏誓願。自利利他。自度度彼。於無量劫中。勤行方便。期與一切眾生同登彼岸。經中條分縷析。反覆周詳。欲令眾生發廣大心。故然此六波羅蜜。體自空寂。本來覺性。如海湛然。不增不減。有爲無爲。了無差別。我人眾生。同入涅槃。了斯義者。出世之能事畢矣。諸佛甚深祕要。非凡夫心想所能測知。往往多望。厓而反。而此經者。如暗室之有炬。高下咸見。故如行路之有圖。遠邇悉周。故論語云。誰能出不由戶。何莫由斯道也。誠欲以出世爲心者。其可不出斯道乎。

書逝童子經後

一行居集

卷一

十

三世諸佛。以菩提心爲本。菩提心以信爲本。梵網經云。汝是當成佛。我是已成佛。常作如是信戒品。已具足。發如是信。是爲成佛。正。因。然。已。成。當。成。亦。方。便。接。引。語。如。實。而。論。菩。提。心。中。本。無。成。與。不。成。之。別。信。卽。是。佛。不。信。卽。是。凡。夫。以。因。外。無。果。果。外。無。因。二。俱。不。可。得。故。如。人。出。胎。具。足。身。相。乃。至。百。歲。五。官。四。體。不。離。其。初。是。心。作。佛。何。以。異。是。逝。童。子。答。帝。釋。二。偈。具。足。信。根。與。梵。網。相。發。修。淨。業。人。發。如。是。信。一。念。往。生。直。至。成。佛。終。不。退。轉。

書偈讚大乘功德經後

諸經讚發菩提心者多矣。獨此經廣大切深。文不煩而義無不具。令讀者不待終篇。便擬發足。直趨寶所。誠利生之上藥也。雖然。發是心者。須具如經說。千魔不轉。之。以。靡。他。方。有。少。分。相。應。不然。一遇還緣。便生疑阻。豈能儻何斯事哉。

書大方便佛報恩經後

諸佛菩薩依於眾生而起大悲。因於大悲生菩提心。因於菩提成正等覺。若無眾生不成佛果。經名大報恩者。爲報一切眾生恩。故一切人中最有恩者。莫過於父母。最寡恩者。莫過於一闍提。而佛一念報其恩。且爲授記作佛。然則自父母而下一闍提而上。豈尙有不報之恩乎哉。是之謂大報恩。然使如來往昔因中不見佛。不聞法。不遇僧。雖欲度一眾生而不可得。以菩提心待緣。乃發故。是故欲報眾生恩者。常當念三寶。念三寶恩者。當供養三寶。護持三寶。紹隆三寶。如彼轉輪聖王。爲求半偈。然身干鎧。普勸眾生發菩提心。是謂知恩報恩。佛爲一切眾生行於無量難行苦行。劫劫生生。其勤若此。而此眾生者。其又不可知恩報恩乎。夫唯能報佛恩。而後能報一切眾生之恩。能報

一行居集

卷一

十一

一切眾生之恩。是名能報佛恩。而一以發菩提心爲本。發是心時。上自父母。下至一闍提。普度已畢。以究竟得成正等覺。故或謂孟子譏墨氏爲二本。今言大報恩者。得母類是。荅子亦知一本之義乎。達本則一。離本則二。本者何。菩提心是。菩提無體。以眾生心爲體。菩提無量。以眾生界爲量。故曰眾生界盡。我願乃盡。我及眾生同一本故。不明乎此。局蹠涖而誇溟渤。謂之曰知道。吾不信也。

書梵網經心地品後

梵網戒品係報身佛所說。是佛佛相傳心地戒。是一切菩薩成佛正因。不同小乘律儀。隨犯隨遮。無定體。故何名爲心地戒。佛言。我今自誦諸佛法戒。是故戒光從口出。有緣非無。因故光。非青黃赤白黑。非色非心。非有非無。非因果法。是諸佛之本原。

行菩薩道之根本是大眾諸佛子之根本。此光卽是本光。一切
眾生清淨心是。眾生同具此光。與佛一體。特爲無明所障。受諸
輪轉。必假因緣。始克顯發。佛爲一大事。因緣出現於世。首下閻
浮。說此千佛大戒。無非教人覺自本心。達自本性。善自護持。直
登彼岸而已。何名成佛。正。因。眾生因於意識。色。心。造諸孽福。離
是四者。亦無佛道。可成。無。眾。生。可。度。了。得。是。情。是。性。皆。入。佛。性。
戒。中。斯。能。不。捨。眾。生。而。行。方。便。不。離。煩。惱。而。證。菩。提。故。曰。計。我。
著。相。者。不。能。信。是。法。滅。壽。取。證。者。亦。非。下。種。處。欲。長。菩。提。苗。光。
明。滿。世。間。應。當。靜。觀。察。諸。法。眞。實。相。不。生。亦。不。滅。不。常。復。不。斷。
不。一。亦。不。異。不。來。亦。不。去。如。是。一。心。中。方。便。勤。莊。嚴。外。道。小。乘。
於。此。法。中。計。有。生。滅。斷。常。自。甘。退。屈。由。不。知。諸。法。實。相。故。由。不。
知。方。便。莊。嚴。故。是。故。學。此。戒。者。以。清。淨。心。爲。本。因。以。大。乘。信。爲。

一行居集

卷一

正。向。知。此。戒。相。不。離。心。地。一。念。回。光。莊。嚴。畢。具。舉。足。下。足。無。非。
道。場。何。以。故。能。持。之。人。與。所。持。之。戒。同。空。寂。故。同。清。淨。故。知。菩。
薩。成。佛。不。離。此。戒。相。是。能。於。四。威。儀。中。一。刹。那。頃。心。心。不。捨。菩。
提。願。王。乃。至。盡。虛。空。毛。端。量。處。度。無。邊。眾。生。作。無。邊。佛。事。窮。未。
來。際。無。有。間。歇。何。以。故。法。無。斷。滅。故。故。曰。我。是。已。成。佛。汝。是。當。
成。佛。常。作。如。是。信。戒。品。已。具。足。烏。呼。可。不。信。哉。

書重校無量壽經後

此經自漢迄宋譯本頗多。今存者有五。漢吳二譯。並傷餘冗。唐
宋二譯。矯枉過正。又嫌太略。唯魏譯詳。而有要。兼合圓指。惜其
文句。時染漢吳餘習。未能竟體。完成。故持誦者。絕少。龍舒改訂
之本。多宗漢吳二譯。堂陛秩然。其於奧窔之間。未能深入也。予
前著是經起信論。既專宗魏譯。惜其瑜不掩瑕。稍加節損。嘗三

度拈闡佛前並蒙印可。歷攷大藏諸經譯語之外更有潤文舊錄所登或加再治祇求精當豈憚審詳用是沒意流通第經論相參誦者未便因重刊此本廣布叢林經云遇斯經者無不得度此無量劫中希有難逢之一日也其可忽哉。

書重刻觀無量壽經後

是心作佛是心是佛諦信斯言一切妙觀攝無不盡其或未然於諸觀中專修一觀三昧成時本光自發不離娑婆徑登極樂其或未然無論若智若愚或善或惡但辦肯心十念功成橫截生外如斯方便無等無倫粉骨碎身難酬罔極是經向無分次今依雲棲無量壽經之例釐其章段標題於右俾誦持者易曉焉。

書阿彌陀經後

一行居集

卷一

十三

是經爲叢林晚課所誦宜乎天下衲子依教生信由信發願往生極樂者且如稻麻竹葦非算數所能及然而讀是經而起信者十不得一焉讀是經而發願往生者百不得一焉無他則空有二障爲之係累也何名有障名聞利養種種馳求是何名空障豁達狂禪撥無因果是去此二障發眞實心求度生外直趣無上菩提回視此經不啻飢者之得糧羸者之得杖矣遇斯經者慎勿以慣見而忽諸。

書觀世音得大勢受記經後

是經以無量法印爲因以如幻三昧爲果卽以如幻三昧爲因以無量法印爲果菩薩從初發心行十波羅蜜乃至一念善根悉應回向無量以一切法本無量故寶意寶上所發誓言甚難希有是大心凡夫因地修行楞撻寶臺莊嚴十方授記乃至清

淨界中先後成佛神通妙用種種難思不過圓滿得當年本願而已正圓滿時實無一法可得何以故悉是如幻三昧故復次寶意寶上發誓時已先了得一切法空無有名字後乃起大悲心莊嚴佛土成熟有情是知大悲不離如幻如幻不捨大悲譬之機關木人凡有施爲終無厭倦非同情計所及生滅縱然唯如幻故所以無量唯無量故故曰如幻經云生彼國者從彼正士聽受是法即便逮得如幻三昧讀此經者當發無依止心回向淨土既生彼國依二菩薩修如幻法滿無量願十方諸佛決定同時授記與二菩薩等無差別珍重珍重

書彌勒下生經後

此經與上生經互爲首尾予所以不錄上生者爲勸進行者直往西方故生西方已聞法得果龍華三會乘願再來化導有情一行居集

卷一

同成正覺斯爲不負我釋迦牟尼佛於五濁惡世中受諸逼惱宏宣正法拔濟衆生脫離苦趣知恩報恩於是乎在遇斯經者願共勉之

書首楞嚴三昧經後

首楞嚴此翻一切究竟堅固卽一切衆生自有之性也衆生迷之爲三有爲四生皆是無常敗壞之法佛菩薩覺之行於魔界而不染梵行處於二乘而不捨大悲乃至成正覺已現法滅盡而不畢竟入於涅槃何以故自性眞空畢竟不可得故與法界衆生同一體故唯與法界同體故盡未來際隨逐衆生無有疲厭唯無法可得故非一切外道天魔所能破壞所以我佛如來既於此三千大千世界中或現說法或現初生或現涅槃又於他方界中或現長壽或現淨土而文殊菩薩久遠劫來既成

佛已還於此土教化眾生如海中漚東涌西沒南涌北沒如場中戲種種變現無有升沈及去來想此皆自性圓融無作妙力非思量分別之所能解是故經言觀諸法空無所障礙念念滅盡離於憎愛是名修是三昧文殊涅槃經廣說文殊神通變現復云若有眾生欲見文殊者應當持誦首楞嚴經偈文殊師利名一日至七日者文殊必來至其人所或於夢中爲說實義令其堅固於無上道得不退轉故知此經三昧中王修般若者沒宜受持讀誦歸命文殊禮拜供養定能成就三昧疾至菩提具如經言眞實非妄

書文殊師利所說不思議佛境界經後

一切眾生起貪瞋癡處是如來所住平等法諸二乘人聞此言者皆當驚疑此特未了如來所住平等法耳依於眾生有貪瞋

一行居集

卷一

五

癡依於我人而有眾生若無我者誰名眾生眾生本不自有是故貪瞋癡亦不自有唯不自有故名平等性自平等無平等者是爲如來所住平等法菩薩證斯智者即時入一切法心自在神通三昧如幻化相離諸分別隨眾生心而出現故由斯三昧是能不離本處而現王宮不捨魔嬈而成佛事然雖如是理則頓悟事須漸除又須住四種行所謂持戒修禪神通調伏四者之中調伏爲要何名調伏心不。放。逸。是。但。不。放。逸。則。能。成。滿。一。切。善。法。遠。離。一。切。不。善。法。出。生。於。泥。畢。竟。寂。靜。無。見。無。言。說。何。以。故。是。調。伏。心。畢。竟。不。可。得。故。此。不。可。得。永。離。斷。常。出。生。一。切。普。賢。行。願。是。故。文。殊。入。離。垢。光。明。三。昧。卽。有。上。方。功。德。光。明。世界普賢如來爲彼作證離垢爲因普賢爲果與入法界品文殊普賢互爲終始同一義故其所遣菩薩爲執智炬表慧光普

照與文殊所入三昧同一印故。經云。若復有人於我法中得聞斯義。生信解者。必於來世見彌勒佛。皆得住於堪忍之地。遇斯經者。願共勉之。

書大莊嚴法門經後

菩提者卽汝身。是於此點頭會去。四大五陰十二入十八界。一流入薩婆若海。不離凡夫成佛。已竟。眼目定動。早已錯過了也。爲說頌曰。快哉大士善說斯要。姪怒癡性。本來淨妙。譬彼幻雲。爲臺爲嶠。無造無依。何靜何鬧。將釘釘空。百無一竅。瞥地知歸。如夢斯覺。夢覺俱非。石人放尿。

書維摩詰所說經後

此經名不思議解脫純顯第一義諦。而發端先明諸佛菩薩淨土之行何也。以淨土實不可思議。故一切二乘聲聞不信有他

一行居集

卷一

方淨土。不信諸佛菩薩莊嚴變化之事。縱得少分般若。唯證偏空。不能具足。普賢行願。此經爲令回小向大。嚴淨佛土。不取有餘涅槃。故曰菩薩爲成就眾生。故願取佛國。願取佛國者。非於空也。一切佛土不離自心。自心具足。一切佛土。故曰隨其心淨。則佛土淨。何名心淨。無高下是淨。有高下卽不淨。無垢染是淨。有垢染卽不淨。無去來是淨。有去來卽不淨。無生滅是淨。有生滅卽不淨。故曰菩薩不以愛見心莊嚴佛土。成就眾生於空無相無作法中。以自調伏而不疲厭。後文廣明菩薩行願。而蔽之曰。不盡有爲。不住無爲。有爲無爲。二邊俱息。寂滅現前。斯名不二法門。全顯唯心淨土。一經之奧。窮於是矣。至維摩大士借座於須彌。乞飯於香積。斷取妙喜世界。如陶家輪種種遊戲神通。如水中月。如鏡中像。不可以知知。不可以識識。故維摩云。從無

住本立一切法。天女亦云。諸法如是無有定相。達斯道者。徹二
祇於一念。收徧界於豪端。曷足怪乎。後文明成就八法。生於淨
土。與前文大旨畧同。次明觀身實相。觀佛亦然。蓋菩薩於生人
畏中。當依如來功德之力。而如來法身無方無體。離名離相。擬
之卽差。執之反失。能觀實相。故隨所念無非佛矣。此觀佛正行。
淨土正因。維摩從妙喜國來。所度眾生還歸本處。故世尊授記。
聽眾俱生妙喜世界。而舍利弗亦發大願。願使一切眾生得清
淨土。如無動佛。至是則維摩化事已周。卽以屬累終之。是故學
大乘者。不可以不修淨土。修淨土者。不可以不讀此經。

書無垢女經後

是經有三事因緣。一勸諸女人發無上心。一激諸二乘發大乘
心。一攝諸異類發回向心。佛性如摩尼珠。體自清淨。在凡不減。
一行居集 卷一 七

在聖不增。唯此眾生。捏目生華。妄起分別。遂有如是男女人蟲
等相。因此諸相。起於攀緣。由攀緣。故造諸姪。殺此來彼。往隨業
輪轉。終無休息。曾不了知大圓鏡中。本同一體。由心想。故幻有
諸根。心想爆破。諸根頓空。如人因地而倒。亦因地起。何有定相
而不能轉。如來憫此。異見眾生。故於靈山會上。神力加持。俾諸
胎中女人。毛羽諸族。各各發起大菩提心。莫不轉成大丈夫相。
宜諸聲聞。悲恨懺悔。矢深重誓。念救一切。不復耽於寂靜之樂。
讀此經者。當發平等心。發普度心。發勇猛精進心。從於今日。願
與現前十二類生。同成佛道。斯爲不負我佛。以一大事因緣。出
現於世也。

書金剛般若波羅蜜經後

六祖聞金剛經而入道。壇經所說於無所住而生其心之旨。可

謂洩盡無餘。而其後力排淨土。又誤以天竺爲極樂。雲棲辯之詳矣。經曰。莊嚴佛土者。卽非莊嚴。是名莊嚴。又曰。發阿耨多羅三藐三菩提心者。於法不說斷滅相。此華嚴圓旨也。知斷滅之非法。則心不容拒淨土於心外。知莊嚴之非莊嚴。是故七寶池。八功德水。如夢如幻。而不壞。夢幻中諸相。故曰。東方虛空可思量。不也。南西北方四維上下。虛空可思量。不也。盡十方微塵數。佛刹有能外此心而建立者乎。是心無際。刹土無際。以虛空之心。回向虛空法界。不思量中熾然顯現。如是如是。諸莊嚴事無所住而生其心。其不謂此乎。經曰。若見諸相非相。卽見如來。吾亦曰。若見非相卽相。卽見如來。經曰。佛說非身是名大身。吾亦曰。佛說大身是名非身。以是義故。特開憶佛念佛諸三昧門。示觀無量壽佛滿虛空身相。何以故。於是中無實無虛。故但

一行居集

卷一

十六

得一念相應。便能坐斷去來現在。更何有於我人。眾生壽者等。相知。眾生非眾生。是故一念念佛。是心卽具三十二相八十隨形。好直至華開見佛圓滿菩提。初非分外。何以故。眾生相不可得。故乃至諸佛相亦不可得。故曰。若以色見我。以音聲求我。是人行邪道。不能見如來。斯義也。雲棲論之未盡。因推而演之。

書文殊所說般若經後

此經純顯諸法實相。何名實相。不生不滅。不有不無。非垢非淨。非佛非眾生。乃至無有如來出世及般涅槃。何以故。實相無相。故無相無相。故觀身如是觀佛亦然。作是觀者。誰爲能觀。誰爲所觀。能所兩忘。觀亦不立。世出世間。迥然超越。斯爲究竟。般若然雖如是。初機學人。須假方便。乃能得入。於是開繫緣一法。不取於相。專稱名字。達名字非名字。名字卽實相。故達實相非實。

相實相亦名。字故。絕思議故。等諸法故。如是念者。卽念無念。無念而念。是爲一行三昧。忽然契入。心佛俱泯。超諸量數。是爲一味解脫。便能具足六波羅蜜。疾至阿耨多羅三藐三菩提。是故唐僧法照。詣五臺見文殊。文殊謂言。我於過去劫中。因念佛故。得一切種智。一切諸法。般若波羅蜜。甚深禪定。乃至諸佛。皆從念佛而生。觀於此經。益信。

書如來不思議境界經後

經名如來不思議境界。非有境界名。不思議。以境界了不可得。故名不思議耳。因於思議。乃有利塵大小。時劫延促。種種差別。不思議中。無如是事。是故於一刹那。攝無量劫。於一微塵。納無量土。於一念頃。徧虛空界。盡未來際。度無量眾生。示無量佛事。何以故。自心現量本。不思議故。是不思議心。畢竟不可得。故於

不可得中。如夢如幻。非斷非常。隨眾生心而出現。故行者了知斯義。深植善本。以不可得心。緣於諸佛。是心卽具三十二相。自心作佛。離心無佛。如是諦觀。卽相非相。卽心非心。畢竟不思議。故乃至十方三世諸佛。亦復如是。卽時得證念佛三昧。善能安住。如來不思議境界。是經初譯。題爲大方廣佛華嚴經。不思議佛境界分。蓋亦華嚴部所攝。大心凡夫。如說修行。由念佛。門入華藏海。是爲入道最勝方便。故曰若能修習此菩提海。則爲已修一切三昧。豈不信哉。

此經菩提樹下所說。在始成正覺時。諸聲聞弟子。尙未入道。何緣與會。當知經名不思議三昧。盡十世古今。不出一刹那際。一成一切成。五時十二分。乃至法住法滅。一時究竟。且華嚴諸會。世尊上升天宮。不離一切處。菩提樹下。然則四十九年中。隨方

設教。又何曾離此菩提樹下邪。雁過長空影沈寒水。此三昧王法如是。故了斯義者。疾證唯心。善能安住念佛三昧。住是三昧。方能漸入不思議三昧。至謂諸聲聞爲菩薩現身。與法華會上授記諸人作佛同一眼目。入法界品種種貶斥。特欲激發定性聲聞。故故不免壓良爲賤。不然豈有焦芽敗種。如旨如壘。而願得親承記別者邪。

書大集賢護經後

念佛三昧於三觀中從假觀入。圓覺所謂如幻三摩提是欲成此三昧者。先當發無上菩提之心。修諸功德。隨佛方所一心繫念。不起於座。見佛聞法。證空三昧。知諸法悉非有故。無障礙。故十方諸佛從心而現。無有分齊。故曰觀東方時多見億百千那由他佛。南西北方四維上下亦復如是。卽假卽空。非空非假。

一行居集

卷一

故曰我心作佛。我心是佛。心不知心。亦不見心。又曰常離相想而思惟。見彼諸佛清淨心。是名正觀中道。亦名觀實相。佛夫能觀實相者。疾與諸佛法身相應。如佛藏經云。念佛名爲破一切善不善覺觀。無覺無觀。寂然無相。名爲念佛。何以故。不應以覺觀憶念。諸佛無覺無觀。名爲清淨念佛。如是念中無貪。無著。無逆。無順。無名。無相。無想。無語。乃名念佛。正與此經互相顯發。然初機學人。必由有相以達無相。由有念以達無念。文殊般若經云。如人學射。久習則巧。後雖無心。箭發皆中。不由久習。便說無心。無有是處。由一二三昧門。徧攝一切二三昧門。以是一二三昧門爲諸法總持。故諸大菩薩因此三昧證大菩提。故經中廣明受持功德。及供養法師功德。以此念佛法門在末法中尤爲最勝。方便。而是法師爲如來使。爲一切衆生之導。能使佛種不斷。故正

法久住故

大勢至之論念佛曰子若憶母如母憶時母子歷生不相違遠自他宛爾能所未忘故文殊柬之曰諸行是無常念性元生滅因果今殊感云何獲圓通若此經言取彼油水晶明鏡觀己面像善惡好醜顯現分明當知彼像無所從來亦無所去無生無滅無有住所如是念佛非我非渠如夢如幻不離當念因果圓成然亦不壞自他之相以緣起無生故二邊不可得故

此經一名般舟三昧般舟者所謂一切佛現前也敎家以經中有三月經行之文遂以此爲常行三昧實則經行對治睡眠乃諸助緣中一法耳前文云初中後夜減省睡眠又云端坐繫念一日一夜或七日七夜是知行此三昧初非定以三月爲期若行若坐與時消息亦非定以常行不睡爲程也蓋繫念之法唯

一行居集

卷一

三

在神精而明方得一心相續欲得神精而明亦須調和四大苟四大不調氣壹動志昏怠乘之是欲前而反卻也設有過量之人被宏誓鎧枯骨竭髓動行不息過三月如彈指頃洩以成就三昧爲期此則爲法忘身十方諸佛所共護念又不可以常情測矣

由此三昧不久當證諸佛如來一切種智故爲說十八不共十力等法然證此三昧獲無生忍現前授記已登圓敎初住別敎初地豈凡夫所易及初發心人要由隨喜而入故此經力讚隨喜功德如法華五品隨喜爲基普賢十願亦居其一發此心時信根成就故曰我於過去行菩薩時皆由隨喜得是三昧從此加鞭一念相應十方諸佛不凡蒙端成就莊嚴永離胎藏豈非千生萬劫希有難逢之會哉觀兩王比丘爲是三昧舍位出家

於八千歲中，乃至三萬六千歲中，或但一聞，或竟不得聞，故曰億那由劫，專精求斯妙三昧，爾乃聞我等幸遇斯經，不加餐采，寶山空過，長劫沈淪，豈不悲哉。

是經漢代初出，譯者支婁迦讖，名般舟三昧，次譯名跋陂菩薩，經先譯人名文來未全，二俱艱澀，未易卒讀，此本較前明暢，義更周足，唯中間詞句，或有滑譌，或傷繇複，不無餘憾，因量加裁，損俾竟體完成，其所標品目及所分卷次，未盡妥帖，并爲釐正，仗佛慈威，流通無盡，有緣遇者，受持宣布，皆斯會中五百之儔也。予額手望之矣。

一行居集卷第二

長洲彭紹升允初著

書普賢行願品末卷後

普賢菩薩示十大願王。每發一願。輒云虛空界盡。眾生界盡。眾生業盡。眾生煩惱盡。我願乃盡。而虛空界乃至煩惱無有盡故。而我此願亦無有盡。嗚呼。吾人現前廣大圓明寂照之心。本無有盡。虛空眾生。特自心所現之影。直以一念不覺。蔽於妄緣。生滅相因。動成隔礙。不知妄緣本自空寂。卽以此本自空寂之心。依於法界上。求下化畢。命無餘。則從始發心時。早成正覺。是知心外無佛。佛外無心。唯思其自生退屈耳。善財童子。旣於文殊師利處得根本智。由是徧參知識。窮諸行門。而此十大願王。要一切行門之終實。開一切行門之首。何以故。非行無以滿願。果

一行居集

卷二

外無因故。非願無以起行。因外無果故。故經中明誦持書寫之功。殊勝無比。雲棲謂此一卷經。該全部華嚴義。在於此矣。其不指歸華藏。而指歸極樂者。何爲大心。凡夫開異方便。故華藏莊嚴。自目連鶩子。諸大聲聞。猶隔聽。觀何論其餘。至阿彌陀佛。以四十八願。接引眾生。十念歸誠。便登九品。誠能信入。普賢願門者。稱法界量。淨同居土。如水赴壑。如響應聲。一得往生。華開見佛。始知極樂不離華藏。彌陀卽是遮那。佛佛道同。心心無別。故普賢行願品四十卷。卽華嚴經入法界品之後譯。此卷居終。爲前譯所闕。李長者著論時。未見此卷。於淨土一門。偶生分別。讀者不察。執爲口實。惜哉。予自歸心淨土。卽奉此卷。爲日課。持此願王。自信臨命終時。度生極樂。更欲流通世間。導諸羣品。同歸一乘。遂與諸同學。取善本覆刊之。爲發其大致如此。

書遺教經後

佛以一音演說法。眾生隨類各得解。故同一四諦。有生滅四諦。有無生四諦。有無量四諦。有無作四諦。而五時之教具焉。佛在娑羅雙樹下。說大般涅槃經。扶律談常。顯如來無二之性。一切有情所同具。足是爲一代終教。旣已屬付阿難。而諸弟子隨所見聞。別集此本。其中激勸之詞。多係聲聞。教相與大經會權歸實之指。有別然在像季。以還。眞成救時良藥。如大長者病欲終時。已將家業付與長子。顧諸幼稚。切切切切。其慮周。其言痛。其音悲渺而淡長。唯恐其一失足而陷於火坑糞園也。烏呼。今之染衣出家。讀此而其顛無泚者。鮮矣。口口說空。心心行有。豈非二乘之罪人哉。

書重刻禪宗祕密修證了義經後

一行居集

卷二

如來從雷寂光中重現靈山道場。應諸菩薩天人之請。敷演是經。剖波洵訛。斷除一切眾生疑網。誠希有難信之法也。或謂如來久入涅槃。末法中安得有說法度人之事。不讀蓮華經乎。經云。我本行菩薩道。所成壽命。今猶未盡。復倍上數。然今非實滅度。而便唱言當取滅度。如來以是方便教化眾生。又曰。於阿僧祇劫。常在靈鷲山。及餘諸住處。眾生見劫盡大火所燒時。我此土安隱天人常充滿。觀於此經。豈不信哉。或又疑承命字。佑兩眞人以儒僊入道。往來人天。何緣承佛授記。勝天王般若經。佛說法時。耑闍崛山中。天神空中讚言。我等憶念過去之世。無量諸佛於此山中。說是般若波羅蜜法。亦如今日。佛告勝天王。此諸天尊皆住不可思議解脫。是故能知過去遠事。兩眞人現身人天。從佛轉輪。讚歎大乘。道諸儒僊同歸正覺。豈非住不可思

議解脫者邪。或又謂開宗說無量義經與蓮華經畧同。中間文義或與六祖壇經類。以此爲疑。不知佛五時說法。塵說刹說。熾然說無閒說。總之不離者箇。但或隱或顯。或詳或畧。不必盡同。於此經何議焉。至其中剖儒釋之藩。融禪淨之諍。言簡義圓。了數千年未了之義。此又五時說法所未及。亦豈支那著述家所能影傳者哉。

此經大旨。教人明自本心。見自本性。故開宗便以大光明如來性海光如來作引。此大光明一切衆生所同具足。只因妄想執著。昧此本光。如以大海納於牛跡輪回六道。無有出期。如來大悲深重。爰以種種方便而度脫之。諸方便中。禪那第一。而禪那流弊不可究詰。由不發真實心。行真實行。煮沙成飯。終不得飽。故用種種料簡。杜諸岐趨。六度兼宏。三觀等攝。尤諄諄以參究一行居集

卷二

三

本來爲見性成佛之的。其於震旦衆生。曲逗機宐。遇斯經者。頂戴受持。不厭程途。直屆寶所。惟毋忽焉。箕書筆籀。多爲僊靈神鬼所馮依。其上者。或闡洙泗之微言。或發函關之祕藏。至若西來大意。罕有聞焉。唯覺明妙行菩薩所傳西方確指。闢妄顯真。最爲穩實。此經指示正修。抉剔禪弊。多敲骨吸髓之談。非金口親宣。淺難假託。惟是藉人運筆。藉筆傳書。閒或參以識神。不免豪釐千里之繆。謹爲浚擇。刪定。精之又精。俾一一與修多羅合。知言之士。當有取焉。

書唯然上人二血書華嚴經後

唯然上人。名照德。鎮江丹徒人。年十七。厭世出家。禮合肥羅漢寺圓修濟公爲師。既受具戒。於江寧香林寺往來。揚州高旻金山。閒參究頗切。旋謁杭州理安寺依智朗月和尚聽講。三載。信

解通利還至金山閱大藏一周一日誦華嚴經至有大蓮華忽然出現身心踊躍得未曾有自此慧辯日出圓頓諸經貫穿無礙已而至蘇州寓虎邱報恩寺發願刺舌血寫華嚴經繼住城東福國菴移天平無隱菴先後凡七年始卒業遂以此得疾已而復撰楞嚴疏鈔數十萬言未成書乾隆五十一年十一月疾亟屬付後事已十七日晨起盥沐坐禪榻頃之逝矣年四十一予觀上人發願廣大殊勝心心流入普賢願海經言毗盧遮那如來從初發心精進不退以不可說不可說身命而爲布施剝皮爲紙析骨爲筆刺血爲墨書寫經典積如須彌爲重法故不惜身命上人既已親履其事矣烏呼爲法忘身非誠發大菩提心者安能積數寒暑無少退怯乎是經所在其有受持讀誦禮拜供養者此大蓮華炳然出現徧滿三千大千世界無一微塵

一行居集

卷二

四

許不是上人含豪伸紙現身說法處乃至盡未來際無有閒歇如是因如是果一念具足非古非今不離凡夫成佛已竟

論梵網經姪戒

經云若佛子自姪教人姪乃至一切女人不得故姪天台疏言五衆邪正俱制二衆唯制邪姪子嘗舉問香山老人老人主天台說唯然師曰不然經言菩薩應生孝順心救度一切衆生淨法與人又曰一切男子是我父一切女子是我母我生生無不從之受生然則盡世間豈復有可姪之人與人行姪淨法安在子心聽其言於時始發願求生淨土願念此分段身欲愛所成不斷其根而求出生死如卻行求前無有是處第夙習深重時不自克已而受菩薩戒讀華嚴經瞿然淡省以謂菩薩斷姪實有三義一者不負已靈二者不誑諸佛三者不欺衆生一切衆

生具有如來智慧德相。晝夜六時常放光明。無有間歇。忽不自知。隨照立所。起於我愛。由有我愛。殉諸欲染。淪溺日淡。光明日減。流浪生死。無有出期。幸及今日。得預戒品。尙復因循。貪嗜垢穢。如蠅集溷。如蟻附羶。云何智人。而不慚恥。欲染一淨。我愛自輕。我愛既除。光明斯復。頓脫苦輪。入泥洹道。是爲斷姪弟一了義。復次諸佛法身。悉由無量清淨功德之所莊嚴。具諸相好。成最正覺。以大慈力。廣說經律。度脫我等。我今不斷欲愛。則念佛不切。念佛不切。則見佛無期。以斯染法。與清淨心。不相應。故如水與火。如薰與蕕。相傾相奪。此彊則彼弱。此成則彼壞。故名爲佛子。捨父逃逝。自誑誑佛。何以報恩。此爲斷姪弟二了義。復次凡夫地中常染染法。菩薩度人。莫先淨戒。雖在天魔神鬼畜生之女。尙欲方便教化。勸發菩提。何論現前所有眷屬。此諸眷屬

一行居集

卷二

五

或已發心。或今發心。或當發心。以道眼觀。作佛子想。作法侶想。作蓮胎骨肉想。誘引提攜。成就淨業。何忍一刹那間。起於欲想。而況從事。若或從事。是卽魔法。此爲斷姪弟三了義。唯此三義。決定不疑。而斷姪之志。始堅。故曰寧以此身投熾然猛火。火坑刀山。終不毀犯三世經律。與一切女人作不淨行。如此誠言。寧於在家出家。願有區別。唯然師之言。其信。歲在元默。攝提格孟春之月。偶閱經疏。追述此義。與諸在家佛子共之。

書無量壽經優波提舍後

世親菩薩所撰無量壽經優波提舍。從大藏中錄出。西土諸師如龍樹馬鳴。往往宏揚淨土開闡念佛法門。而其說多散見於他論。至如專門提唱。不落通涂者。獨此一卷之書而已。是書所說極樂國土功德莊嚴。佛與菩薩功德莊嚴。大要卽本經之文。

而類次之。而以一法句爲究竟。一法句者。謂清淨句。清淨句者。謂眞實智慧。無爲法身。是此眞實智慧。無爲法身。一切眾生所同具足。唯佛與菩薩圓修圓證。隨順法身。起諸願行。法身無量。所有願行。亦復無量。一切莊嚴。亦復無量。以無量故。不盡有爲。不住無爲。有爲無爲。同一清淨。故爲勸進行人。開五念門。此五念門。理事交融。觀行具足。最是往生捷徑。於中。回向一法。復開遠離三種障。菩提門。所謂依智慧門。依慈悲門。依方便門。成就三種順菩提門。所謂無染清淨心。安清淨心。樂清淨心。攷經中三輩往生。俱以菩提心爲本。如上所說。既自發菩提心。復教人發菩提心。以是因緣。得入如來願海。故直往無礙。故復明五種功德。卽前五念。而推言之。自利利他。直至成佛。而此經之功用畢矣。予旣重刊淨土諸經。念此書眞上品資糧。而流通絕少。遂一行居集。卷二。

書發菩提心論後

無量壽經往生三輩及觀經上品。俱以發菩提心爲本。菩提心者。無量壽願王所由建立。亦盡十方三世一切諸佛。所從出生也。欲求生無量壽佛國。而不發菩提心。則不爲諸佛之所護念。不克現生見佛。以與無量壽願王。不相應。故與一切諸佛。最初發心。不相似。故予旣錄天親無量壽經論。激勸往生。復從藏中檢得發菩提心論一卷。其中所列十大正願。與願生偈。大旨畧同。而前後包孕事理。廣攝大乘諸經。究竟第一義諦。有志淨業者。其熟復而審思之。則菩提心之發。當有沛然莫禦者。以之回向蓮邦。上品華臺。如立竿而取影耳。

書思惟要略法後

思惟要略一卷一名思惟經。梁唐經目俱謂安世高譯。今藏本署鳩摩羅什者誤也。此蓋西土諸師所集。前四無量不淨白骨等觀。通大小二乘。觀佛三昧。至法華三昧。兼攝方等圓頓法要。眞度生之寶筏也。於時觀無量壽及觀佛三昧等經。未至此方。唯此卷及般舟三昧經論。觀佛爲詳。東林諸老修是三昧。往往現前見佛。其指南固有在矣。爰校其章句而刊行之。

書十疑論後

予既刻無量壽優波提舍。因思支那著述。自唐以前純提淨土者。唯智者大師觀經疏。與十疑論而止耳。觀經疏文簡義該。而十疑論更反覆詳盡。於竺土諸師外。推波助瀾。無疑不析。揭臬口於重雲。耀明鏡於閤室。直使讀者不待終篇。卽欲脂車發軔。一行居集

卷二

七

而親造乎寶池行樹之間矣。最後厭離欣願二門。尤切於行者。以厭離爲心。則於世間之染法無弗舍。以欣願爲行。則於出世間之淨法罔弗修。明乎世出世間之分。而後可與求生淨土。不然一出焉一入焉。亦終爲涂巷之人而已矣。明乎求生淨土之指。而後可與發菩提心。不然唯求自利。不欲利人。總得往生。終成坏器。夫求生淨土者。非他欲圓滿菩提而已矣。欲圓滿菩提者。非他與此一切眾生同證菩提而已矣。此論之所以作也。

書賢首華嚴三要後

雲棲所刊賢首華嚴三要。爲清涼疏鈔所從出。文簡義周。卓絕千古。業華嚴者。俱宜頂受。其金師子章十圓門第十云。唯心回轉。善成門。晉水解云。賢首改此爲主伴圓明具德門。案主伴句。乃清涼所改。見華嚴元談。作賢首誤。還原觀明身現刹土。列現

佛身下云。就此門中分爲四句。如元談疏中說。賢首在時。清涼尚未出世。安得引疏中語。就此門中十四字。後人妄增。亦宜刪去。明曹魯川論華嚴諸家。不及賢首。獨推重方山。而譏清涼。所分信解行證。裂全經爲瓜豆雲樓。以卽行布。而圓融解之。若以行布論。則經中五十二位。本具信解行證四法。清涼以五十二位俱屬解分。而以離世間品爲行分。入法界品爲證分。離異經文。別生枝節。魯川所譏。誠非無據。至入法界品。善財童子。在文殊所。亦從信而入。徧參知識。發廣大解。圓修圓證。亦不應獨以證分當之。方山論直截根源。與少林曹溪同一鼻孔。出氣誠多。造極之談。而以入法界品爲正宗。餘品爲伴。又以如來出現品屬流通分。未免後先倒置。蓋說此經時。雖云無前後際。畢竟前八會在七日中說。入法界品在別時說。如七日中所說。都無正

宗所云。譬如日出。先照高山。果何謂也。且八會之文。俱從如來自證分中。安立五十二位。直令大心凡夫。靡徹本明。紹隆佛種。而如來出現一品。具顯如來果德。圓滿菩提。歸無所得。所謂以一大事因緣出現者。正在於此。此品不屬正宗。則全經總無歸宿。至清涼謂入法界品。自一卷半後。文殊從善住樓閣出。以下總屬流通。亦未妥帖。善財所參諸善知識。說種種法門。以支殊智圓普賢行。同入毗盧妙莊嚴海。豈可不以正宗目之。大約此經流通分。散見諸品。如說十住十行十回向十地及普賢行品。各有十方諸大菩薩。來會作證。同聲讚歎。總屬流通。至賢首品。發心品及離世間品。並有十方諸佛讚歎作證。隨喜護持。而行願品末。普賢說十大願王。已因廣明受持讀誦功德。本師復爲讚歎作證。流通已竟。有何不足。而必裂十九卷半經。及行願末

卷盡作流通邪。蓋此經萬法總持。無量聖賢。同心護念。無邊塵刹。在處宣揚。不似餘經。必藉付屬。爲流通也。又方山謂此經諸法皆圓十數。應立十處十會。於本文七處外。別準瓔珞經在三禪天說等。覺爲一會。覺城東大塔廟處爲一會。一切剎塵及虛空法界爲一會。總爲十處十會。此經文來未全增三禪一會。未爲不可。而入法界品。旣如來爲會主。其覺城塔廟文。殊過化處。安得別爲一會。觀行願品末。偈世尊與諸菩薩演說如是。不可思議解脫境界。勝法門時。文殊菩薩而爲上首。主輔顯然。豈容濶濫。至一切剎塵及虛空法界。如幻如化。無量無邊。安得更有會處。可言邪。故從上諸師善說。此經大意者。誠莫如賢首矣。然清涼元談。儘有微言奧義。在學者善取之。而行願品。疏於指歸。極樂一著。罕有發明。不能救方山撥他方淨土之失。此予華嚴

一行居集

卷二

九

念佛三昧論所爲不得已而作也。

評紫柏老人與王宇泰書

宇泰書言參禪不易。若只將心等悟。縱任貪瞋廢漸修之功。豈不兩成耽誤。此緣不識參禪路頭。妄生異見。豈知果能息心參究。一句話頭。如倚天長劍。佛魔俱斬。有何貪瞋可縱。妄想坐斷。眞積力久。本明自發。又何用將心等悟邪。紫柏復書。教令自家討箇分曉。又謂見地一端。諸佛偈之爲大事。因緣此不易之論也。但書中旣謂持咒課經。無異澆水助冰。卻不教渠向無門無路處。捱去拶去。仍令熟閱教乘。以求解悟。此則添鹽合醬。依舊落他家圈續。其能爲人解粘去縛邪。圓覺經云。以有思惟心。測度如來圓覺境界。如取螢火燒須彌山。終不能著。此之謂也。至論求生淨土。謂見地不透徹。淨土豈能親切。爲念佛人腦後一

槌亦是喫緊。然在方便門中。未可概論。見地徹時。自他不隔。匪
移跬步。徧往十方。此在法身大士所證。上品諸輩。殆庶幾焉。至
中品以降。但使信願堅強。十念功成。俱登彼岸。不是但許人生
寂光淨土。不許人生同居淨土也。且諸品高下雖殊。既託質蓮
臺。總屬同居淨土。迨見佛聞法之後。或證寂光。或證實報。或證
有餘要亦不外同居。橫該三土。故彼土同居。與他方勝劣迥別。
雖疑城邊地。亦有久滯同居者。尚須策發。進修。然既得往生。永
離生死。以彼中無三惡道故。所以念佛一門。無機不攝。十方諸
佛異口同音。勸生彼國。豈可誣哉。且馬鳴龍樹。俱傳佛心宗。其
所著論。既純明一乘。復普勸往生。使二老之言不足信。則東土
諸師。豈復有可信者哉。是不可以不辨。

書汪子讀四十二偈私記後

一行居集

卷二

十

予讀華嚴經。觀於毗盧藏身。萬善普會。普賢大行。窮劫不休。疑
與佛祖傳法。諸偈空有。懸殊頗難和會。已而讀金剛經云。以無
我無人無眾生無壽者。修一切善法。卽得阿耨多羅三藐三菩
提。又云。發阿耨多羅三藐三菩提心者。於法不說斷滅相。輒爽
然意解。一切眾生。覺海湛然。五蘊本空。四相何有。所謂阿耨多
羅三藐三菩提者。還此本來覺性而已。然此眾生。根行不齊。迷
悟迥別。唯有如來圓證本來等覺。以前祇名分證。苟無大願大
行。淨佛國土。成熟有情。不能滿足菩提之分。何以故。菩提無量。
故菩薩願行。亦復無量。菩提無盡。故菩薩願行。亦復無盡。其見
爲有量者。一我人。眾生壽者而已矣。其見爲有盡者。一我人。眾
生壽者而已矣。然則佛祖諸偈。種種破除者。爲欲直顯此本來
覺性。故華嚴種種建立者。爲欲圓證此本來覺性。故汪子學佛。

從紫柏老人入，老人精持佛偈，亦勸人持佛偈。汪子於此發淨信心，此記之作，所以助顯本來者切矣。予更推其言外之指，俾讀此偈者，不至與華嚴岐而視之。知汪子亦將有取於斯也。

書汪子染香別錄後

汪子嘗欲著讀淨土三書私記，既爲敘以發其端，未能成也。汪子既卒，子乃搜其平生與人往復書及評斷古今文字，有關淨土者彙而錄之，題曰染香別錄。大勢至之論念佛也，曰如染香人，身有香氣，此則名曰香光莊嚴。夫身與香，其二焉者也。始於染香，進於身香，二而一者也。佛與念，其二焉者也。卽念是佛，卽佛是念，二而一者也。故曰都攝六根，淨念相繼。念淨則根淨，根淨則土淨，轉娑婆成極樂，不外乎此矣。明乎染香之指，則不當外佛以求心，明乎淨念之指，則不當外心以求佛。汪子之言淨土也，實有見於是。橫說豎說，悉入華嚴無礙之門。子故樂得而論之。其他澁切之談，卽不專明淨土者，亦閒收一二名曰別錄者，以其率臆而書，衝口而出，與他錄中文體稍別云爾。

題崇孝錄後

歲在乙卯孟夏之月，予方旅泊太湖之濱，修西方之業，有客比邗來，以崇孝錄一編索題其錄。言武進東里蔣孝子事，孝子名紹基，農家子，早喪父，依母以居。長而娶婦，遇姑無狀，出之力耕，以養母。久之，母病，禱於神，願以身代，夙割股肉作羹，以進。母歿，攤尸哀慟，勺水不入口者四日。既葬，廬墓側，三年不歸。縣中人多傳道其事，聞於有司，表其廬。此其大較也。子嘗聞首楞嚴之論念佛三昧矣，曰十方如來，憐念眾生，如母憶子。子若逃逝，雖憶何爲？子若憶母，如母憶時，母子願生，不相違遠。若眾生心憶

佛念佛。現前當來。決定見佛。去佛不遠。觀蔣孝子之所以事母。其道可通於念佛。蓋孝於母者。獨知有母而已。獨知有母。故不知有其妻。獨知有母。故不知有其身。獨知有母。故不知有其家。以其念力之專。母子歷生不相違遠。豈待問哉。雖然。此特世間之孝耳。輪回是中。忽墜忽升。乍離乍合。其遂能出三有而證無生哉。吾願孝子以念母。因緣轉而念佛。回向西方。極樂世界。阿彌陀。如來。視於無形。聽於無聲。直下知歸了無異念。以此不可思議之力。拔濟幽明。母子相攜。同生淨土。其爲孝也。豈不大哉。比邛試以予言。諭諸孝子。其能不以予言爲河漢否也。

跋梅谿高翁傳

子頃以避人遊錢唐。旅西湖之彌勒院。有高君又東者。時時過予。致殷勤如舊相識。已而故人王君履階買菴武林門外。爲予

一行居集

卷二

十一

與二三禪客靜修之所。高君度材。庀工飭而新之。予得安居者二載已。而以疴疾歸。吳門越三年。居太湖之濱。秀峰寺。高君至吳門。訪予。不值。遂造秀峰。出其先尊梅谿翁傳誌三篇。曰。願有述也。予時方棄筆硯。過半載入城。休夏始發。而讀之。知翁故恂恂長者。託迹市廛。好行其德。傳誌所書。略備矣。獨念予嘗見翁子伯揚所刻西方公據。傳翁年五十一。病入冥中。遊視地獄。有冥官屬云。爾今回去。要一心念佛。更要一心行善。表裏交修。定能出苦。翁謹識之。三日而蘇。病良已。遂發心念佛。復集諸善法。一百五十條。爲回向西方之助。以是行於己。亦以是教於人。如是二十五年。至年七十五。爲乾隆三十五年十二月。臨終三日。前自知時至。曰。今離苦惱矣。奉勸世人。及早修持。無貽後悔。泊然而逝。此則翁往生公據也。夫行善而不知念佛。一鄉黨自

好者耳。集諸功德。回向西方。一切時中。念念無間。上品金臺。可立而埃。予故表而出之。以補傳誌之所未及。高君兄弟誠欲不舛其親。可不知所以自勉。邪翁名士楨。字廷三。其先世居山陰梅里。故自號梅谿道者。今爲錢唐人。

書知歸子傳後

空空子曰。予觀知歸子行事。殆所徇。邈世无悶。不見是而无悶者。與然。子讀知歸子所著書。而悲之。知歸子嘗撰海內諸名公事狀。其人類皆磊磊軒天地者。又嘗爲儒行述。良吏述。或出或處。亦各有以自見者也。以知歸子廁身其間。不難如宮商之協。應而顧。退然如不及。豈誠果於忘世者邪。雖然。知歸子嘗一試於鄉矣。開近取堂。釀金萬兩。權出入息。以周士族孤寡之無依者。又以其餘。勸佛宮飯僧衆。施冬衣。放生族。積二十餘年而不

一行居集

卷二

七

懈。又嘗一試於家矣。置潤族田。盡捐已田以益之。合五百餘畝。豫爲終制。俾無立後人。或以此多之。知歸子曰。一切有爲法。如夢幻泡影。此又安足道邪。年二十餘。治先儒書。以明道先生爲的。而兼通考亭象山陽明梁谿之說。治古文。出入於韓李歐曾。尤長於敘事。儕輩中推爲承祚。葢宗之。匹知歸子亦未嘗自喜也。旣而遊心竺教。好方山永明之書。尤推蓮池慈山爲淨土之前導。年二十九。始斷肉食。又五年。受菩薩戒。不復近婦人。嘗言志在西方。行在梵網。著一乘波疑論。以通儒釋之。閱著華嚴念佛三昧論。以釋禪淨之諍。著淨土三經新論。以暢從上蓮宗未竟之旨。其居士傳善女人傳淨土聖賢錄。隨機接引。世多傳而誦之。晚而屏居僧舍者。坐十餘年。日有程課。不以病輟。遂終老於文星閣。其逝也。西向念佛而蛻。年五十七。予旣與之習。遂論

次其入如此。乃其中之所存有。非子所得而窺者矣。姑俟論定於後之君子焉。

讀論語別

子曰。里仁爲美。擇不處仁。焉得知。夫世出世間。其爲里也。闊矣。酣五欲之場。狎三塗之苦。其爲不仁也。甚矣。有樂國焉。以法王爲師。以上善爲友。超濁垢。證無生。里仁爲美。孰大於是。而不知擇而處焉。豈不哀哉。

吾道一以貫之。言道之本一也。擇善而固執之。言學之貴一也。一則誠。誠則明。明者達本之謂也。達本無本。一不足以名之。

廣成子曰。彼其物無窮。而人皆以爲終。彼其物無測。而人皆以爲極。是故文王望道未見。孔子讓聖仁而不居。斯能窮無窮。極無極者。與耀燭火者。不知日月之明。安培井者。不識江湖之大。

一行居集

卷二

彼且揚揚然。以爲盡天下之美。豈知所謂無窮無極者哉。

曾子曰。仁以爲己。任不亦重乎。久而後已。不亦遠乎。苟有已焉。何遠之有。子曰。逝者如斯夫。不舍晝夜。言不已也。普賢云。虛空界盡。衆生界盡。衆生業盡。衆生煩惱盡。我願乃盡。言不已也。知此。則知仁矣。

君子多乎哉。不多也。人知無所不能之聖人。而不知聖人之本無能也。吾有知乎哉。無知也。人知無所不知之聖人。而不知聖人之本無知也。

唐棣之華。偏其反而。豈不爾思。室是遠而。子曰。未之思也。夫何遠之有。是故憶佛念佛。現前當來。必定見佛。其果遠乎哉。是心作佛。是心是佛。其果遠乎哉。

色斯舉矣。翔而後集。曰。山梁雌雉。時哉時哉。烏呼。孰能畏無常。

之。色。而。超。然。於。不。久。之。鄉。者。乎。聿。提。希。曰。唯。願。世。尊。廣。說。無。憂。惱。處。我。當。往。生。不。樂。閻。浮。提。濁。惡。世。也。其。翔。而。後。集。者。乎。大。勢。至。曰。都。攝。六。根。淨。念。相。繼。時。哉。時。哉。其。不。可。失。矣。

子曰未知生焉知死一知而已本無生安有死

羿善射稟盪舟俱不得其外然禹稷躬稼而有天下皋福之應昭矣君子上達小人下達輪回之理信矣朝聞道夕死可矣涅槃之路徹矣

子曰人無遠慮必有近憂凡夫以百年爲慮豪傑以百世爲慮佛祖聖賢以無量阿僧祇劫爲慮侏富貴遠刑戮長子孫以百年爲慮者也言可道行可法利澤被於時名聲昭於後以百世爲慮者也出三有證無生普度含識淨佛國土以無量阿僧祇劫爲慮者也以百年爲慮者無一日之憂以百世爲慮者無百

一行居集

卷二

五

年之憂以無量阿僧祇劫爲慮者無百世之憂是故慮日長也憂日消慮日短者憂日積詩云蜉蝣之羽衣裳楚楚心之憂矣於我歸處譏失慮也

吾其爲東周乎夫子之心切矣然而顏氏之瓢飲則賢之曾皙之沂浴則與之佛言須菩提巖中宴坐能見吾法身不其然乎

讀中庸別

世之言道者徇有則礙無體無則病有又或以儒之道爲有佛之道爲無二俱不然不觀之太虛空乎太虛空非日月星辰則世界不成安立日月星辰非太虛空則四時何以行百物何以生是故日月星辰無體以太虛空爲體太虛空無體以日月星辰爲體二之者惑也孔子曰巍巍乎舜禹之有天下也而不與焉程伯子云堯舜事業如泰山上一點浮雲過目然則儒之道

初未嘗有也。初未嘗以日月星辰拒太虛空也。華嚴四法界曰：理曰事，曰理事無礙，曰事事無礙，是故登地菩薩在人王人中尊，在居士居士中尊，然則佛之道，初未嘗無也。初未嘗以太虛空拒日月星辰也。是理也。中庸契之盡矣。故曰：道並行而不相悖。

子思子論君子之道曰：語大，天下莫能載焉；語小，天下莫能破焉。首楞嚴言：我以妙明不滅不生合如來藏，而如來藏唯妙覺明圓照法界，是故於中一爲無量無量爲一，小中現大大中現小，不動道場徧十方界，身含十方無盡虛空，於一毛端現寶王刹，坐微塵裏轉大法輪。予讀經言而乃廓然於中庸大小之說也。涅槃經言：我以摩訶般若徧觀三界有情無情一切人法悉皆究竟無繫縛者，無解脫者，無主無依，不可攝持，不出三界不

一行居集

卷二

六

入諸有，本來清淨無垢無煩惱，與虛空等，不平等非不平等，盡諸動念思想心息，如是法相名大涅槃。詩云：鳶飛戾天，魚躍于淵，言其上下察也。不其然乎？不其然乎？是故在天而日月星辰在地而華岳河海在人而五達道三達德禮儀三百威儀三千在鬼神而在上在左右，在聖人而議禮制度考文經大經立大本，知化育無在非天無在非鳶之飛也，無在非淵無在非魚之躍也。圓滿菩提歸無所得，故曰：上天之載無聲無臭，至矣。天下無二道，聖人無兩心，其不可易矣。

聖人之念天也，其猶行者之念佛乎？不識不知順帝之則，文王之念天也，都攝六根淨念相繼，大勢至之念佛也，念天者期於人盡見天，見天故無適而非天也，念佛者要於心開見佛，見佛故無適而非佛也。一言以蔽之曰：至誠無息而已矣。聖人念天

終不離天文王陟降在帝左右此其徵也行者念佛常不離佛
生蓮華中蒙佛授記此其徵也夫子讀常棣之詩而暢然曰父
母其順矣乎又曰神之格思不可度思矧可射思夫微之顯誠
之不可揜如此豈不信哉雖然念佛念天不離乎念無念真心
非天非佛學者參之

讀莊子

子始讀莊生書以爲此出世之前茅也其所爲一舛生等成毀
所以破人之我執忘是非夷善惡所以破人之法執二執并消
眞體獨露其於無生法忍蓋庶幾焉已而讀華嚴經窺普賢菩
薩所有行願方欲隨順一切衆生方欲嚴淨十方國土直至萬
善普會而猶不自已而莊生者乃以善爲大戒眇堯舜薄湯武
以龍逢比干爲好名以伯夷叔齊箕子之徒適人之適而不自
一行居集

卷二

七

適彼其視菩薩種種難行苦行至以不可說不可說身命而爲
布施有不河漢其言者乎雖然法華會上亦有退席比耶華藏
莊嚴佛與大菩薩同轉法輪二乘弟子同在會中不聞不見於
莊生何怪焉夫誠入普賢願門者逆行順行無非佛事堯舜之
揖讓湯武之征誅總之華嚴諸善知識隨順衆生欲令離苦得
樂耳以莊生之智回小向大去其自利自安之見轉而安人利
人宐可與華嚴諸善知識攜手同行不僅以聲聞獨覺作究竟
地也而耳食者流乃以莊生書爲佛氏所從出豈不謬哉

無量壽說爲太倉許孺人作

無量壽經言西方極樂世界無量壽佛壽命長久不可僣計十
方緣覺聲聞悉共推算無能測知而妙法蓮華經我釋迦尊自
稱成佛以來甚大久遠壽命無量阿僧祇劫常住不滅是故當

知十方一切諸佛亦復如是。隨衆生心現有生滅。眞如法中無去來故。不唯諸佛。一切衆生具有如來智慧德相。但以妄想執著不能證得。妄想不生。去來坐斷。佛與衆生同一壽量。阿僧祇劫常住不滅。奈此衆生情見卜度。攬空中華。妄見起滅。會不知華本無有。由捏所成。枉自纏縛。無由出離。如來說爲可憐憫者。爰有智人以昔善根。發生淨信。起大願力。回向淨土。念不離佛。佛不異念。卽生滅心。究竟本來不生滅性。妄想坐斷。極樂現前。此衆生身壽同諸佛。或者謂經以無量壽名。而金剛經言無壽者。相其義云。何曰有相之壽。不離分別。分別所知。其量則狹。何名無量。無量壽者。唯無相故。或者又謂經言極樂國中。依正莊嚴。種種具足。必云無相。何以會通。曰離相無相。是謂斷見。卽相求相。是謂常見。離此二見。相與無相。畢竟平等。坐寶蓮華。飲

一行居集

卷二

七

功德水如夢如幻。非我非渠。故曰莊嚴淨土者。卽非莊嚴。是名莊嚴。是謂金剛般若。是名無量壽經。太倉許孺人培園錢先生女也。與子有通家戚好。年二十餘而寡。持齋修淨業。頃讀子所著無量壽經論。而信向益堅。今者年六十矣。子培秀請子文爲壽。子不能爲世間祝嘏之辭。獨以孺人所信向者。推論其義如此。所以壽孺人者。不已至乎。

憫客

客有患無子者。知歸子憫之。告之曰。子有三益。舍其一而取其二。平客曰。何謂也。知歸子曰。凡夫以子爲子。聖賢以聖賢爲子。佛以一切衆生爲子。以子爲子者。子其身者也。以聖賢爲子者。子其心者也。以一切衆生爲子者。衆生之身卽吾身。衆生之心卽吾心也。夫唯聖賢能不子其子。是故堯以舜爲子。舜以禹爲

子孔子以顏淵爲子朱均之不有天下伯魚歿而不曰天喪子此其徵也佛告須菩提若卵生若胎生若濕生若化生若有色若無色若有想若無想若非有想非無想我皆令人無餘涅槃而滅度之而諸大菩薩現身六道應劫度生視慈父母之愛其子不啻同之然則以子爲子者私其子者也私其子者不能以聖賢爲子矣不能以聖賢爲子又安能以一切衆生爲子哉客曰是則然矣雖然佛與聖賢豈凡夫所易及乎知歸子曰甚矣子之不察也子現前一念清淨心卽一切聖賢所出生處能一切處一切時不昧是心則一切聖賢皆爲之子矣子現前一念平等心卽一切衆生所成就處能一切處一切時不離是心則一切衆生皆爲之子矣是心非他子固有之心也子不知反吾固有之心而切切焉唯無子之患得一而喪二智者不爲也況

一行居集

卷二

十九

一又未必得也客曰如子言人盡不患無子則人類不幾於滅乎知歸子曰有生者情之動也無生者性之復也有生則有滅濁土之所以終於劫壞也無生則無滅無量壽佛之所以居淨土也夫無生非不生也法性所生超於分段不墮生歿故曰無生子不患滅者之滅而患不滅者之滅也不惑乎客唯而退旣書其說以爲世之患無子者告焉

論曇陽道人

曇陽道人爲太倉王文肅公女子子幼許字徐生景韶年十七將行而徐生天遂矢志不嫁少奉觀音大士長而習長生術跌坐一室時有僊靈往來如楊許故事遂辟穀能前知現諸神變一時士大夫俱折節問道王弇州兄弟至以師禮事之年二十三請於父母詣徐生墓舍居三月預治一龕克期化去弇州爲

立傳、縷縷萬五千言、宜可徵信、後世獨其述道人末後語、謂是曇鸞後身、因以高僧傳中曇鸞實之、予意曇鸞始從陶隱居學、僊已而遇三藏流支、授以觀無量壽佛經、遂專修西方之業、卒生淨土、夫修西方者、以無生爲究竟、如曇陽所造、雖蟬蛻清虛、亦楞嚴十種僊所攝、去無生尚遠、果其從淨土中來、不勸人植心九品、而顧以人天小果爲歸、有是理乎、然曇陽旣奉觀音、從聞思修、入三摩曇、此觀音所證也、生滅旣滅、寂滅現前、三界本空、長生烏有、他日焚僊、經歸淨土、面覲觀音、雖謂曇鸞後身、奚不可也、世之謫曇陽者、不一、捕風捉景、久成冤獄、馮子偉人、夙慕僊宗、歧仰獨至、萃當時傳記詩文、都爲一集、又得曇陽弟衡手書、述家奴造謫始末、公案確然、益信弇州之作、眞實不虛、并錄於後、而屬予論之如此、

一行居集

卷二

二十

和陶淵明歸去來辭

歸去來兮、炎炎火宅、將安歸、唯生歎之大患、羌曰夕以含悲、慟東林、其時遯向西極、以攀追、念四恩而未報、懺六時而知非、味溪經以爲食、服戒品以爲衣、誠無感而弗應、道有顯而通微、我歸不遠、匪馳匪奔、憶持一佛、總攝千門、想純靡閒、目擊斯存、酌彼甘露、注我芳樽、漏涓滴以永晝、蓮芬菲以開顏、廓神鑒之初朗、審子居之旣安、知東西之不闕、乃徹垣而毀關、超五縛以獨脫、冥三諦以圓觀、手輪珠而常轉、達自性其無還、入德水以澡浴、蔭行樹以盤桓、歸去來兮、聊乘空以翱游、離劫濁兮遐邁、舍廣宅兮焉求、爛天華以盈裾、聆僊樂以忘憂、濟智海之長原、啓悲田之良疇、渺凌虛而非翼、坦濟盈而非舟、豁塵襟以息慮、何淡谷與高邛、炳十方而普現、齊千聖以同流、嗟無始其飄泊、乃

今日而歸休已矣。乎浮生露電會幾時。剎那爪髮逝不畱。擾擾
六趣將奚之。倚闔空有望。窮子歸無期。植寶池之嘉種。勤灌溉
與耘耔。秉一心以延佇。懷好音於風詩。會華開以見佛。定登不
退又何疑。

一行居集卷第二

一行居集

卷二



